

Empower ECER Mahkota bantu murid capai kecemerlangan

BH 27 April 2016 (Jumact) Nasional 33



Norol Azali bersama pelajar program Empower ECER Mahkota daerah Bera yang memperoleh keputusan cemerlang dalam UPSR, PT3 dan SPM sesi 2015.

» Program pembangunan modal insan dilaksana ECERDC, UMP sejak 2010

Oleh Shahrinnahar Latib
bhnews@bh.com.my

■ Bera

Program Empower ECER Mahkota digerakkan Majlis Pembangunan Wilayah Ekonomi Pantai Timur (ECERDC) dan Universiti Malaysia Pahang (UMP) di daerah ini, membant-

tu 44 pelajar mencatat keputusan cemerlang dalam peperiksaan awam tahun lalu.

Daripada jumlah itu, 36 adalah calon Ujian Pencapaian Sekolah Rendah (UPSR), 15 lagi calon Pentaksiran Tingkat Tiga (PT3) dan tiga calon Sijil Pelajaran Malaysia (SPM).

Sehingga kini, seramai 20,699 peserta latihan akademik serta 6,835 peserta latihan kemahiran

dan keusahawanan sudah dan sedang mengikuti program empower di negeri ini menerusi Penilaian dan Kelebihan Ekonomi Pantai Timur (ECER).

Beri semangat pelajar

Ahli Dewan Undangan Negeri (ADUN) Guai yang juga Pengurus Jawatankuasa Kesisihatan, Sumber Manusia dan Tugas-tugas Khas negeri, Datuk Norol Azali Sulaiman,

berkata program pembangunan modal insan itu memberi banyak manfaat kepada semua lapisan masyarakat di luar bandar.

"Program seumpama ini perlu diteruskan kerana ia secara tidak langsung memberi semangat kepada pelajar, ibu bapa dan guru untuk lebih giat memperkasakan akademik serta modal insan demi merealisasikan matlamat Malaysia menjadi negara berpendapatan tinggi menjelang 2020," katanya.

Belia berkata demikian pada Majlis Kecemerlangan Akademik 2015 Daerah Bera yang turut dihadiri Pengurus Besar Bahagian Pembangunan Modal Insan ECERDC, Zulkifli Yaacob, di sini semalam.

Latihan kemahiran

Sementara itu, Zulkifli berkata, program Empower ECER Mahkota adalah inisiatif serampang dua mata di bawah program pembangunan modal insan yang dilaksanakan ECERDC dan UMP sejak 2010.

"Ia bertujuan merapatkan jaring ekonomi di antara masyarakat luar bandar dan bandar menerusi program latihan kemahiran dan keusahawanan untuk dewasa serta program latihan akademik untuk pelajar yang akan mendukung peperiksaan awam," katanya.

Seorang penerima, Ahmad Hairul Izat Salman, 17, yang mendapat 10A pada SPM tahun lalu, berterima kasih kepada ECERDC dan UMP kerana melaksanakan program itu yang membantunya lebih fokus dan mudah memahami subjek diajar.

Andressa Woon Siew Poh, 12, yang memperoleh 5A pada UPSR tahun lalu, juga mengaku program itu menyuntik semangatnya untuk berjaya dalam pendidikan dan yakin anak Orang Asli ada peluang sama rata mencapai kejayaan jika diberi motivasi seperti menerusi inisiatif ECERDC dan UMP itu.